

主 編 卞 甫

副 主 編 陳玉宇

明代基本史料叢刊·文集卷
(第一輯)

『洪武、建文朝』

六九

綫裝書局

欽定四庫全書

集部六

芻蕘集

別集類五 明

提要

臣等謹案芻蕘集六卷明周是修撰是修初名德以字行泰和人洪武中舉明經授霍邱訓導遷周王府紀善王多不法是修動繩以禮今集中修已十歲與保國直言二篇皆是時作也王敗之後官屬皆緣坐是修以能諫

得免改調衡王府紀善既而入直翰林預纂
修建文四年燕王反兵薄京城是修與楊榮
楊士奇胡靖金幼孜等約同死國難諸人陽
諾之燕兵既入士奇等爭先推戴是修乃獨
詣尊經閣自經乾隆丙申

賜謚忠節事迹具明史本傳後解縉為作誌銘但
稱歸京師為紀善預翰林纂修以死竟沒其
殉節事楊士奇為作傳乃言其自經應天府

學蓋縉作誌在永樂元年士奇作傳則在宣
德四年也傳又稱是修數論國家大計至指
斥用事者誤國用事者怒衆共挫折之云云
蓋欲明是修非齊黃之黨以避時忌然革除
之際取義成仁但問臨難死不死不問持議
同不同縱使有黨亦不害其為忠臣不能以
是抑是修也是集為其孫應鰲所刊凡詩三
卷賦及雜文三卷非惟風節凜凜溢於楮墨

欽定四庫全書

提要

即以文章論之亦復無愧於作者未附縉所作誌銘士奇所作傳可謂白茅之藉矣姑並存之益以彰是修也乾隆四十三年六月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

芻蕘集卷一

明 周是修 撰

五言古詩

述懷五十三首

登高望八表世道何悠悠
衆榮無定極往復更相酬
誰爲陽和春及此肅殺秋
人生忽如寓百歲苦不周
鶴髮每先待朱顏難久留
彭殤均絕逝何庸咨短脩
惟當飲

美酒樂從天者游

吳水秋浩浩楚山晴蒼蒼美人在南國節操凌冰霜隔
此萬里遠夢寐時彷徨西風吹鴻鴈音耗不得將行行
江皋路采采夫容芳愁去吳水濶愁來楚山長無能共
清渚飛作雙鴛鴦

東汎玄冥海西登太華峰豈不念遐征塵土將安從仙
人韓湘子千載顏如童飄飄紫雲上羽翰翳回風大笑
揖王喬長歌隨赤松嗟彼世間人生死無終窮

晝有千種慮夜無一枕眠所以思者何美人觀遠天秋
風入庭樹慘慘號寒蟬飄飄雲想衣灼灼花想鈿玉顏
不可見空記平生言秦吳非易越悵望寒鴻前

幽冀車可驅洞庭舟可浮何能離塵鞅超然賦遠游遠
游無有期徒此坐悲秋帝子滯香魄萬古湘水頭蒼梧
咫尺距不見重瞳丘何以托遺恨野竹淚痕留

相如未得意偶然遇文君何因即同載萬里瀛西行婦
德固已失竊皆名亦成匪為足素願聊以慰羈情古禮

重親迎終始猶難憑所以既榮貴一朝聘茂陵

韓信本忠臣一心佐漢主指揮百萬師竭力定疆宇大
義重如山王封就荆楚來朝忽被縛無乃大荼苦淮陰
雖可侯終愧虎變虬功成不退身無恨蕭與呂

屈指古石隱吾愛黃綺公潛身遠世禍落落商山中學
仙非有意採芝寧固窮為國遂一起反正如旋蓬功成
仍蹈海羽儀穹飛鴻徒令厲操者萬古歌清風

鳳飛九霄上五章翳朝霞乃集大皇野保珍遠物華竹

實以為食梧桐以為家聖世既休明四海靜無瑕感治
遂來儀和鳴獻仙葩復憂樊籠累竟去不可遮何能隨
燕雀枳棘爭喧譁

白壁生崑崙輪致乃人間韞匱以待價不與時往還銜
售非所欲棄擲非所患借令橫道側終自遠險難千金
謝雕琢寧為瑱與環五瑞出皎潔願隨羣后班明王重
朝會萬古光聖顏

我有兩龍劍閒世三千秋堅鋼出百鍊苔色古且幽異

鈔本四月全書

卷一

哉歐冶子功與造化侔
剡水蛟鱷斷指空鬼神
愁精光不可掩夜夜衝
斗牛所恨際休明鋒芒
久潛收願持獻天子為
斬佞臣頭

桂樹生高崖春風吹拂
之崖桂自不芳春風本
無私非疾桃李艷由來
各有時暖雨都城陌晴
日倡家蹊雕鞍逐繡轂
行樂競繁滋翫賞朝不
食歌舞夜忘疲秋霜搖
落盡芳芬誰復知

誰種岩上竹如斯茂且
長誰植畹中蘭如彼幽
且芳倚

倚池朝露灑灑凌秋霜亦不羨新綠亦不咲芸黃但愛
貞自保歲時永相望竹以中簫韶蘭以紉佩縑美人如
既遇遂爾遠翱翔

朝游芳菲園望望桃李花匪不愛其艷榮衰終奈何長
安貴游子走馬事豪奢年垂二十餘意氣橫天涯晝食
信陵門夜宿嬌嬈家青陽有徂邁白日有西斜歸來覽
明鏡徒感雙鬢華

涉江采芙蓉秋水湛虛碧停橈向中渚浩歌感疇昔世

人恣險巧奔走竟朝夕攘攘豺與狼小大相啖食願言
擴風清一觀義農日皇王直垂拱四海仰至德孰知太
古初混沌無一物

蜂蟻有君臣蚊蚋岩穴間肝心事其上時往時乃還一
以勤致遠一以固守關誓不圖苟活使君罹險難微物
尚如此人胡獨弗然嗟彼趙高徒擅國恣兇奸下視蜂
蟻性何能無厚顏

走馬百萬里言志天一方北風振大漠白日慘精光前

有桑乾原傳是古戰場
狐號維鬼哭死骨如高岡
寒雲塞關隴沙草萋已黃
云昔霍嫖姚兵氣橫秋霜
長驅無敵敵親手斬戎王
功成畫麟閣沙空莽蒼

去日既已矣來日復如何
百年寓天宇曾無瞬息過
少壯不為樂老大空情多
東風入都國萬物感陽和
葡萄熟千斛日縱金叵羅
結交貴公子劍佩聲相磨
高歌引雄辨取醉無其它
寧為小兒女白首歎蹉跎

岱山東峨峨上與雲霧連
距天不咫尺星宿羅其巔
德

金定四庫全書
卷一
位並羣岳崇祀每當先君哉有虞氏因時惕乾乾重瞳
燭萬里體用何兼全五載春仲月龍駕來翩翩玉帛耀
精靈禮樂感神天以不讓土壤故乃大若然

黃河發西昊下決崑崙峰奔流幾萬里上與滄溟通混
沌越千載載清明聖逢念哉昔多士禍已投其中精魂
竟何訴事業一朝空君子貴知命胡為罹此凶坑儒剪
羸裔用傑興炎宗所以血未化唐祚亦隨終

大化每不息滾滾東逝波少壯能幾時其如老大何盛

極哀已至樂盡哀遠多白日無復返青陽寧再過昨為
綺羅園今成衰草坡昨為紅顏子今成髡皤皤云胡有
美酒日夕不高歌

至理無定在一物一有之達士每豹變愚夫獨狐疑死
生事所常輪遞何休時衰榮分所固來往可前期不見
東園花灼灼方滿枝轉眼逐風散零落已塗泥借問路
行人陸陸爾何為

朝出都城門遙望都城道道上誰家兒駿馬嘶煙草玉